

彊

邛

叢

書



簫臺公餘詞目錄

太平歡

滿庭芳

念奴嬌

水調歌頭

洞仙歌

南歌子

臨江仙

浣溪沙

鷓鴣天

瑞鷓鴣

西江月

減字木蘭花

如夢令

點絳脣

行香子

朝中措

南鄉子

憶秦娥

醜奴兒

醉落魄

阮郎歸

歸國謠二

好事近二

簫臺公餘詞

華亭 姚述堯 道進

太平歡聖節賜宴

蕤賓奏律正太平無事歡娛時節翹首簫臺南望處兩
雨壽星明徹和滿乾坤春回草木瑞靄凝金闕鈞天齊
奏嵩呼隱隱三發遙想帝里繁華慶父堯子舜賡歌
胥悅黼座傳觴仙仗裏拜舞兩階英傑愠解薰風恩覃
湛露玉陛笙鏞咽溥天同慶年年沈醉花月
滿庭芳賜坐再賦

酒泛恩波香凝瑞彩笙歌鼎沸華堂簪纓濟濟拜手祝
君王好是重華盛世康衢裏爭頌陶唐古今少聖明相

繼交勸萬年觴
昇平無外事窮天
極地俱沐恩光更
宮花齊戴錦繡成
行願捧蟠桃爲壽
對瑤宴一曲山香
堯天近葵傾心切
相約共梯航

念奴嬌

次劉周翰韻

山城秋早聽畫角
吟風曉來聲咽夢
斷華胥人乍起冷
浸一天霜月灝氣
參橫塵埃洗盡玉
管濡冰雪興來吟
詠靈均誰謂今絕
聞道瀟洒王孫對
黃花清賞喜延
佳客一坐簪纓譚
笑處全勝東籬山
色酒興雲濃詩腸
雷隱飲罷須臾設
醉歸凝佇此懷還
與誰說

又冬日賞菊次前韻

霜風初過正仙吏
微吟詩喉清咽靜
對南山眞賞處秋

後一亭花月翠簇香裊光搖金勝玉女肌凝雪花有黃白相間
寒城無伴爛然還自奇絕 況有鳬舄朋來拚金錢都
罄晚酣留客應笑陶潛孤負了多少傲霜餘色鯨飲方
豪龍吟未已更著雕胡設清歡無限醉歸猶記前說

又九日作

山城秋好正西風淅淅登高時候杖倚徘徊凝望處翠
疊萬山如繡雲繞禾場燧沈戎馬田野歡聲湊琴堂無
事何妨同泛香溜 況有庭下黃花徧河陽盡把金錢
鋪就一坐簪纓譚笑裏塵脫風生清晝飲罷龍山詩成
彭澤灝氣森星斗醉歸凝佇美人時炷金獸老杜九日
戎馬酣歌
淚欲垂

又重九前二日登西塔觀縣治用前韻

江山清絕正簫臺花縣霜秋時候尋勝登高環望處碧
瓦參差鋪繡五岫藏雲兩溪吞月古市漁鹽湊青帘斜
颺家家香泛丹溜況是東魯風流看儒冠濟濟垂天
賦就時科舉後邑中預薦者四人陶令從容官事了把菊高吟閒晝

草鞠圍屏香凝燕寢豪飲揮金斗公庭無事珍祥休問

馴獸

魯恭馴雉也

又瑞香

芸堂春早正芳苞紫萼籠煙調雨隱隱朝陽歌宴罷擁
出三千宮女醉面勻紅香囊暗惹鵲尾煙頻炷廬山佳
致依然都在庭宇因念一種天香當年巖谷下想難

儔侶一旦呈祥都占斷
闔苑瓊林歌舞瑞彩扶疏錦籠
綽約蘭蕙應羞妒
明朝勝賞有誰同唱金縷

又梅詞

厲主簿爲梅溪先生壽

早春時候占百花頭
上天香芬馥寥廓寒分和氣到知
是花神全毓獨步前林挽回春色素節輝冰玉翛然一
笑便應掃盡粗俗
最愛瀟洒溪頭孤標凜凜不與凡
華逐自是玉堂深處客聊寄疏籬茅屋已報君王爲調
金鼎直與人閒足更看難老歲寒長友松竹

水調歌頭

中秋

碧落暮雲卷玉宇靜無塵
寶階露滴仙掌秋氣正平分
冷浸銀河清徹光射珠躔
明滅素女擁冰輪今夕桂華

滿疑是別乾坤 對清影凌灝氣沃芳尊憑高凝望萬
里城闕盡鋪銀偏照長門離恨更攬西園詩思何處不
關情此景年年好莫惜醉歸頻

又七夕

三五半圓夜二七素秋天銀河耿耿中渡絳節會星輶
寶鵲喜傳佳信丹鳳歡迎仙仗瑞彩映珠躔此意天長
久不比在人閒多情客捧香餌潔賓筵殷勤拜舞乞
壽乞富乞團圓宜與人人願足更看家家歡洽喜氣滿
江山今夕莫辭醉後會是來年

又酴醿

上苑暮春好煙雨正溟濛桃蹊冷落無語嫩綠翳殘紅

好是翠幘乍展喜見玉英初坼裁翦費春工綽約更嬌
軟輕颺萬條風散清馥翻素豔照晴空佳人羞妒競
把粉質鬪芳容無限惱人風味別有留春情韻張商英詩
云紅雨萬花供掃迹
玉英一笑獨留春都付酒杯中唐制寒食日內宴
羣臣賜醑醺酒極
目憑闌久月影在牆東

又秩滿告歸曾使君餞別席閒奉呈

澤國正秋杪微雨洒江濱憑高一望萬里多稼總如雲
芳野壤歌鼎沸古市歡聲輻湊盡是泰平人鈴閣儘無
事桃李滿公門恨瓜戍趣征馭惜芳辰高情耿耿重
別中夜沃清尊不爲蘭亭感慨莫作楚狂醉倒譚笑自
生春明日送行處忍顧翠眉顰

洞仙歌七夕

金風玉露正清秋。初霽天上星郎夜游。戲喜鵲兒向織女報佳期。停機杼。草草便諧歡會。情深悄無寤。雲雨須臾剛被雞人早驚起。念歲歲年年。今夕之前。兩下裏。千山萬水。到今夕相逢。又恩恩願地久。天長永無拋棄。南歌子九日會黃子升何誠夫宋仲遠丁景之熙叔劉

方叔何伯明戴子強二趙主管及諸同舍席閒作

素節秋強半。嘉名久最宜。霜風簌簌下天涯。幸有佳朋何惜共登危。月窟諸仙子。天宮兩白眉。相逢不醉定無歸。笑問黃花重約是何時。

又呈府判刪定黃子升

天宇霜風淨雷封露氣寒羣賢高宴勝龍山中有仙翁

綠鬢更朱顏

北闕心猶壯

老杜九日詩云北闕心長戀西江首獨回

東籬

興未闌年年身健足清歡後會不妨重約醉長安

又九日次趙季益韻

人在煙雲裏山橫碧落旁望中縹緲是仙鄉幸有佳朋
何惜醉斜陽公子傳杯速騷人鍊句忙悠然此興未
能忘似覺庭花全勝去年黃

又趙德全會同舍小集屏閒置山丹花紅黃二枝卽席

索詞

瑞彩迎朝日柔枝繞慶雲誰將仙種下天闥卻笑葵杯

榴火俗紛紛 色映薔薇水光浮琥珀尊美人浴罷近
黃昏總把淡妝濃抹鬪芳芬

又贈趙順道

咳唾瓊珠璀璨精神冰玉寒不求名利不談玄明月清風
相對自怡然 瀟洒眞仙隱繁華小洞天薰風颯颯度
虞絃更擁姬姜何惜醉華年

又聖節前三日小集于尉廳

賓宴親堯日薰絃動舜風公餘無事樂年豐多謝歌姬
流盼更情濃 氣偁雲天外毫濡雪椀中百篇斗酒興
何窮卻笑東山無語醉花叢

又王清叔會同舍賞蓮花席閒命官奴索詞

羅蓋輕翻翠冰姿巧弄紅晚來習習度香風疑是華山
仙子下珠宮柳外神仙侶花間錦繡叢競將玉質比
芳容笑指壺天何惜醉千鍾

又戶掾陳宋龢法曹鄭頡約新隆興倅木蘊之同游西

山小飲於淨社僧舍席閒作

金谷貂蟬侶東山錦繡叢管絃絲竹醉東風漫逐流鶯
飛舞亂紅中清賞吾人事詩情我輩鍾藤蘿欲上更
指筇笑指壺天煙繞斗城東

斗城永嘉
城名也

又時方自僉廳會議催科事罷卽作此游

誤入紅蓮幕來依玉樹叢也將塵迹寄東風忙裏偷閒
同到此山中迴野韶華麗晴嵐秀色鍾憑高凝望倦

扶筇喜見今年和氣滿南東

詩云南東其畝時山間見麥禾方秀故云

又

雨過雲峰淨天高水鏡平
望中寸碧遠山橫瀟灑何郎
相對挹金觥朱李沈寒碧
新瓜破玉英浩然譚笑有
餘情醉舞何妨殢玉倚飛瓊

臨江仙

山縣登高真勝事滿筵當代英
奇黃花無語笑東籬龍
山真鼠輩巴嶺漫羈棲
醉後風流情更好笑譚落落
珠璣莫將烏帽任風吹
動容皆是舞出語總成詩

又呈湘川使君丁郎中仲京

佳節喜逢長久日

魏文帝與鍾繇書曰九月九爲陽數而日月並應俗嘉其名以爲宜於長

久故以享宴高會是月律中無射言羣木庶草無有射
地而生惟菊紛然獨榮非夫含乾坤之淳和體芬芳之
淑氣孰能如此故屈平悲冉冉之將老思食秋菊之羽
落英輔體延年莫斯之貴謹奉一束以助彭祖之術扁

翩鳬舄朋來

霜清天宇絕纖埃

老杜九口詩云天宇清霜淨公堂宿霧披遙

憐巴嶺月

嚴武有九日巴嶺答杜二見憶詩云擬上曲

江臺

老杜有九日曲江詩云重陽獨酌杯中酒抱病起登江上臺

懷縣從容留客

宴

見老杜九日楊奉光會白水崔明府詩

追歡正好傳杯使君歸騎莫相

催更拚明日醉未放菊花開

又雨中觀瀑泉於白鶴僧舍

雲度巖扉風振谷迅雷驚起蛟龍天威洶洶變晴空攪

翻銀漢水傾入寶蓮宮

雪浪奔衝淩翠麓隴頭低挂

雙虹人閒熱惱盡消融此流長不斷萬折竟朝東

又中秋夜雨次石敦夫韻

萬石家聲誇第一清材更美姿容笑譚落落與誰同煙

分丹篆碧香泛小槽紅

白石云窺檐蟾影照坐燭花紅

準擬中秋圓

月好暮雲忽翳晴空共將清致敵西風舉頭連玉兔乘

興沃金鍾

又前縣尉呂次新自台城來訪酌酒爲勸

材刃縱橫森武庫簫臺舊日梅仙累陪簪盍醉花前吳

門歸去後一別動經年曾到赤城真隱處飄飄鳳舉

龍蟠勒回俗駕向長安好將醫國手從此活人閒

又九日

橘綠橙黃秋正好霜颿洗盡炎威

江南多秋熱至九日而後涼

園林